

第五課 飲茶食點心

黃家欣、陳潔同李超落咗堂去食嘢，一邊行，一邊傾。

Wong⁴ Gaa¹ Jan¹、Can⁴ Git³ tung⁴ Lei⁵ Ciu¹ lok⁶ zo² tong⁴ heoi³ sik⁶ je⁵，jat¹ bin¹ haang⁴，jat¹ bin¹ king¹。

李超： 今朝冇食早餐，搞到上堂嗰陣時餓到咕咕聲，快啲去食 lunch 啦。
Gam¹ ziu¹ mou⁵ sik⁶ zou² caan¹，gaa² dou³ soeng⁵ tong⁴ go² zan⁶ si² ngo⁶ dou³ gu⁴ gu² seng¹，faai³ di¹ heoi³ sik⁶ lunch laa¹。

陳潔： 好呀，我哋一齊去飲茶食點心啦。哈哈，家欣，你睇佢幾心急。
Hou² aa³，ngo⁵ dei⁶ jat¹ cai⁴ heoi³ jam² caa⁴ sik⁶ dim² sam¹ laa¹。Haa¹ haa¹，Gaa¹ Jan¹，nei⁵ tai² keoi⁵ gei² sam¹ gap¹。

李超： 仲講咁多？行啦！
Zung⁶ gong² gam³ do¹? Haang⁴ laa¹!

佢哋去到酒樓。

Keoi⁵ dei⁶ heoi³ dou³ zau² lau⁴。

伙計： 幾多位呀？
Gei² do¹ wai² aa³?

黃家欣： 三位，唔該。
Saam³ wai²，m⁴ goi¹。

伙計： 呢張枱啦。飲啲咩茶呀？
Ni¹ zoeng¹ toi² laa¹。Jam² di¹ me¹ caa⁴ aa³?

黃家欣： 一壺香片，一壺滾水，唔該。
Jat¹ wu⁴ hoeng¹ pin²，jat¹ wu⁴ gwan² seoi²，m⁴ goi¹。

陳潔： 我哋叫咩食呀？
Ngo⁵ dei⁶ giu³ me¹ sik⁶ aa³?

李超： 我想食蝦餃、燒賣、叉燒包同牛腸。
Ngo⁵ soeng² sik⁶ haa¹ gaa²、siu¹ maai²、caa¹ siu¹ baau¹ tung⁴ ngau⁴ coeng²。

黃家欣： 我想食乾炒牛河。阿潔，你想食咩呀？
Ngo⁵ soeng² sik⁶ gon¹ caau² ngau⁴ ho²。Aa³ Git³，nei⁵ soeng² sik⁶ me¹ aa³?

陳潔： 唔使喇。阿超頭先叫咗咁多，我想食嘅嘢都畀佢叫晒喇。
M⁴ sai² laa³。Aa³ Ciu¹ tau⁴ sin¹ giu³ zo² gam³ do¹，ngo⁵ soeng² sik⁶ ge³ je⁵ dou¹ bei² keoi⁵ giu³ saai³ laa³。

黃家欣睇點心紙剔咗啲點心之後，叫伙記埋嚟，畀張點心紙佢。

Wong⁴ Gaa¹ Jan¹ hai² dim² sam¹ zi² tik¹ zo² di¹ dim² sam¹ zi¹ hau⁶, giu³ fo² gei³ maai⁴ lai⁴, bei² zoeng¹ dim² sam¹ zi² keoi⁵。

黃家欣： 唔該幫我寫啲嘢。

M⁴ goi¹ bong¹ ngo⁵ se² di¹ je⁵。

伙計： 好嘅，想叫啲咩食呀？

Hou² aak³, soeng² giu³ di¹ me¹ sik⁶ aa³?

黃家欣： 一個乾炒牛河，唔該。

Jat¹ go³ gon¹ caau² ngau⁴ ho², m⁴ goi¹。

啲嘢嚟齊之後，佢哋一便食一便傾。

Di¹ je⁵ lai⁴ cai⁴ zi¹ hau⁶, keoi⁵ dei⁶ jat¹ bin⁶ sik⁶ jat¹ bin⁶ king¹。

李超： 好好味呀，我仲想食芒果布甸。

Hou² hou² mei⁶ aa³, ngo⁵ zung⁶ soeng² sik⁶ mong¹ gwo² bou³ din¹。

陳潔： 我想食芝麻糊。

Ngo⁵ soeng² sik⁶ zi¹ maa⁴ wu²。

黃家欣： 噉，我再叫個伙記埋嚟啦。唔該兩個芒果布甸、一碗芝麻糊。

Gam², ngo⁵ zoi³ giu³ go³ fo² gei³ maai⁴ lai⁴ laa¹。M⁴ goi¹ loeng⁵ go³ mong¹ gwo² bou³ din¹、jat¹ wun² zi¹ maa⁴ wu²。

伙計： 好嘅，我幫你落單啦。

Hou² aak³, ngo⁵ bong¹ nei⁵ lok⁶ daan¹ laa¹。

黃家欣： 食飽喇，叫伙記埋單啦。

Sik⁶ baau² laa³, giu³ fo² gei³ maai⁴ daan¹ laa¹。

李超： 唔該埋單。

M⁴ goi¹ maai⁴ daan¹。